


# SKICHENGANI KI-TAP II





# KICHENGANI KI-TAP II



## LESSON I

### Ki tap Gital

An'ching Bak Sako hon'aha. Bak Gnio  
maiba maiba gital katako poraina man'gen.  
An'ching Bak Sao menggo, mese, ut aro  
wakni gimin poraiaha. Ia ki'tapo an'ching  
maiba gitalni gimin poraianiko man'gen

ine anga ka·donga. An·ching salanti salanti  
maiba gital poraianiko man·ode, jamano  
bang'en uigen.

## LESSON 2

### Jilanirang



Achak nokgipako pangnan  
ja·rika.



Menggo meseko nokoniko  
a·rika.



Do·gep chio jrona nam-  
nika.



Do·ka ma·manti bostuko  
cha·ua.



Peru do·gepko man·ode  
uko chika.



Matchu mande bi·sarang-  
ko gario sala.



### LESSON 3

#### Menggo

Menggo an'chingni jilani ong'a, aro an'chingni noko dongronga. Menggo meseko chikna namnika, aro nokona re'bagipa meserangko chike cha'a. Menggo meserangko chike cha'jaode, meserang nokona re'bana kenjawachim, aro re'bae an'chingni mi misirangko cha'e bon'at-genchim. Menggo bisa mande baksa kal'grikna namnika aro kal'grikronga.



#### LESSON 4

### Ma'a Paana Ka'sabo

Ma'a paa an'chingko atchiantaltal aldua, aro an'chingna ka'saa. Bi'sani duk ong'an salo, sawa duk ong'paa? Bi'sani katchaani salo sawa katchapaa? Saani salo sawa sanabana? Bi'sani namgniko sawa daka? Ma'a paasa indake daka. Uni gimin an'ching ma'a paako mandera'na aro manina nanga. Je ong'oba an'ching uamangko gualna nangja. Uamangni skiako an'ching ra'na nanga, aro pangnan uamangna ka'sana nanga.

## LESSON 5

### Birsa Chongipa



Nono, baoni re'baa na'a?  
Nang'ko man'na sikbeaha anga.  
Maikai indake chonbea na'a?  
Changja ja'a jakrangko jakkalna.  
Angmung kal'grikna basako man'gen?  
Salni sal on'tiprak dal'rorogen.  
Nang'ni ja'a jakrangko ranta ka'bo;  
Nono, ang baksa kal'grikna skibo.

## LESSON 6

### Pilakkon Dakgipa

Isol salgiko aro a'gilsakko dakaha. Uan  
an'chingna salo aro walo teng'sugipa sal,  
ja aro askirangkoba dakaha. Sagalkoba  
Isol dakaha. Samsiko aro bolrangko, a'ao  
rogipa janggi gnanggiparangko, sako  
bilgipa do'drangko, aro sagalo rogipa  
na'tokrangkoba Isol dakaha. Isol mande-  
koba dakaha. Ua nang'ko aro angkoba

dakaha, aro an'chingni gnang kakketkoba  
 an'chingna on'aha. Ua mairongpile  
 nambegipa ong'al An'chingni pilak  
 chanchianirango, pilak agananirango, aro  
 pilak dakanirango ua gisik nangbea;  
 aro an'chingko an'tang,baksa dongrimatna  
 am'enga. Indide an'ching pangnan uni  
 namnikako dakna jotna ka'na hai.



## LESSON 7

### Ranggol

Ia noksao mangsa ranggol aro uni  
 bi'sako nika. Bi'sa an'tangni ma'gipaona



re'baa. Ma'a an'tangni bi'sako namnika,  
 aro una ka'saa. Ranggolrang bolo rona  
 namnika. Uarang burungni bol biterang-  
 ko cha'a. A'baoni mi misirangko makkre  
 gita cha'e rusigipa ong'ja. Uni gimin  
 manderang makkrena bate ranggolko nam-  
 nikbata.

## LESSON 8

### Do'po

Do'poni mikron-  
 rang dal'dala. Do'po  
 salona bate walo  
 nikbata Aro salona  
 bate walo cha'amna  
 namnikbata. Do'po  
 salode bolkolo nape  
 tusia; walosa ong'kate cha'ama. Ua salo  
 ong'katode, gipin do'drang uko nina sikja.  
 Mitam do'po dal'giparango basu donga,  
 aro ukon nachil gita nika. Do'po jilode  
 mikmala, aro cholgugao dongtime  
 do'orangko rikna namnika.






## LESSON 9

### Kori

Iara maini noksa? Uan kori ong'a. Uko maina jakkala? Somoiko uina uko jakkala. Kori dongjaode somoiko uina man'jawama? Adita uina man'a man'ade salni nabaako, chuako, aro napangako nie somoini re'angako uina man'a. Indiba koriko nie uia gita tik dake uina man'ja. Somoiko tik uina nanga ine uigiparang nikaha; maina somoi an'chingna mingsa gamchatbegipa ong'a Somoiko gimaatmano uko man'pilani ong'ja. An'ching paisa ba tangkako galode, an'ching uko kolampilna man'a, indiba somoiko nama kamirangna jakkalgija, tusiari, ba roari gimaatode, uko man'piltaina amja.



## LESSON 10

### Gure

Ia noksao gure bipako nika. Gure mandeni jilani ong'a, aro ua mandena jakkalbeani ong'a. Manderang ja'achi re'ana bate gureo gakatode, gong'rakbate re'na man'a. Chel'a songona bakbak sokna skode, manderang gureo gakate re'ronga. Namgipa gurena nokgipa ka'sabea, aroba namgipa gure nokgipana ka'saskaa. Gureko jilode uko namedake rakina, aro una ka'sae dakna nanga; maikai uan namedake an's enge bilakgen.

## LESSON 11

### Angni Dongram Nok 1

Angni nok chona. An'chingni dongram nokko rika gita, uko a'aoni adita chue krongrango rika. Angni nokni krong ge'gnisan. Gipin nokni krongrang bang'a. Gipin nokrang biap damsano pangnan dongna nanga. Angni nokni krongrangko jitrurana man'a. Anga jechi re'na ska, angni nokba uchin re'na man'a. Angni nokni krongrangko na'a mingna man'ama?

## LESSON 12

### Angni Dongram Nok 2

Angni noko kelki ge'gni donga. Uarang ching'bea, aro namen rongtala. Salanti uarangko rongtalata. Walo uarangko pindape dona. Na'a ia kelkirangko u iama?

Angni noko do'gachol ge'gittam donga. Ge'sa nokni mikkango donga. Uan apala, aro uni do'ga ge'gni donga. Nokni ketchi samgnio do'gacholrang donga. Saoba angna maikoba aganna skode, ia chongipa do'gacholrango aganna nanga. Na'a ia do'gacholrangko uiama?

### LESSON 13

#### Angni Dongram Nok 3

Angni nokni samgnio dakchakgipa sakgni donga. Nokni ning'o natani kol gnang, aro nokni pilak bakrangona chiko jokatna kolba donga. Nokdring saoni nokdring gipinona uiatani silitingba donga. Ia nokko na'a uiama? Uan angni been bimang ong'a Uni krongrang angni ja'arang ong'a. Kelkirang mikronrang ong'a Do'gacholranga ku'sik aro nachik-olrang ong'a. Dakchakgiprang jakrang ong'a. Uarang ko Isol angna dakaha. Uan angni janggini don gram nok ong'a.



### LESSON 14


#### Aratnabe

Saksa br'sa kam ka'na sikjach im. Nok-oba, skuloba, ua indin asongna

sikaiachim. Ua pringo chakatna sikjachim  
aro skulchi re'na gong'jachim. Uni  
gimin ua dal'ahaoa, mamung kamkoba  
ka'na changjachim, aro loka poraina  
changjani gimin ua kratcha'beaha.

Do'orang bitipko daka; uarang aratja.  
Chibrimrang bimchipe cha'aniko am'a;  
uarangba aratja. Mande bi'saba aratna  
nangja. Gamgijapia mande cha'naba  
manja. Tusiaiako namnikode, man'e  
cha'na amjawa. Arate dakgipa mamung  
dal'a aro nama kamko chu'sokatna amja.

Kam ka'ania mande chonakoba  
dal'akoba namgijaoniko rakia. Isol  
mandeko dakchengon bariko gamchina  
uko donaha. Aro untaltal da'ona kingking  
roaigiparang namgijachina dilangako  
man'ningbata.



## LESSON 15

### Do·bima

Ia noksao do·bima mangsako nika. Ua an·tangni bi·sarangko rodilenga. Na·a uni bi·sarangko channa man·genma? Oe, anga uarangko channa man·gen. Ra, indide, chane nibo. Mangsa, manggni, manggittam, mangbri, mangbonga mangdok; uarang gimik mangdok donga. Gipin do·orangkoba na·a nikama? Oe, anga do·bima aro uni bi·sarangna agreba do·bipa

**mangsako nika. Indide gimik basikmang?  
Do·bimarang an·chingna bitchirangko  
chi·a, aro uarang cha·na nama.**


**Basakoba basakoba sagiparang mamung  
gipinko cha·na amjaoba do·chiko cha·na  
ama. An·ching ma·manti cha·aniko dakon  
do·chirangko jakkala. Do·chirangko ruute  
rakiode uarang namjapila, aro namjaode  
ritchengbatroroa. Uni gimin chio balbo-  
gipa do·chiko pilakba ra·jawa.**



## LESSON 16

### Sal

Isol salko dakaha. Sal a'aoni chel'-beaosa dongani gimin uko chona gita nika. Indiba uan a'ana bate namen dal'batbea. Isol salko bangbango donaha. A'gilsak aro mitam askirang, Isolni dongimin niam gita, pangnan salko re'dulenga. Sal dongjaode a'gilsak andalgenchim, aro an'ching ding'ako man'jawachim. Aro sin'ani gimin pilak janggi gnanggiparang sigenchim. Indiba sal dongani gimin an'chingna an'sengbeani, aro kusi ong'beani ong'a.



## LESSON 17

### Klaso Dongani

Klaso bi'sarang tom'tom dongna nanga. Poraimitingo, mitam skulrango bi'sarangko chadengattoka. Chadengmitingo tom'tom, sronge, aro skigipachiko nie chadengna nanga. Skigipani sing'anirangko namedake knatimna nanga. Pilakkon chadengatgija asongatoba, pilakan tom'tom asonge, skigipachiko nie knatimna nanga, unon skigipa sing'ode bakan chakate aganchakna man'gen.



## LESSON 18

### Gipinni Gimin Chanchiani


Changsao dakgrikmitingo mande saksa guli nangako man'e, namen saknabeeng-achim. Aro ua chi ringna sikbeaha. Chi sepango dongjachim, aro namen neng-beesa saksa una on'tisa chiko ra'bae on'aha. Indiba ua ringna dakon ua sakgipin chi ringna ske sinasienggipa sipai saksako nikaha. Unon ua, ua chiko an'tangan ringgija una on'skae aganaha. 'Sipai, nang'ni nangan angni nangana bate dal'bata?



## LESSON 19

### Matcha


Matchana pilakan kena. Ia a'songo matcha bang'a, indiba an'ching uarangko nikrongja. Matcha menggo gita daka, indiba una bate dal'batbea. Ua maikoba chikna am'e walo re'roroa, aro matchok, balgitchak, aro gipin chonchona matburungrangko chike cha'a. Basakoba basakoba ua songo nape matchu aro matmako chika. Aro mitam matcharang mandeko changsa chike cha'ahaode, gipin be'enna bate mandeni be'enko tonikbata; uni gimin jringjring mandeko; chikna uarang tima, aro ukon manderang wachaa ine ina.



## LESSON 20

### Matchu Gari

Ian ge'sa matchu grini noksa ong'a. Ia a'songo manderang matchu aro matma garirangko jakkalbea. An'ching matchu garirangko pangnan nikronga. Na'a matchu gario gakate re'manahama? Matchu gari ja'achi re'ana bate ka'sinbata, aro uno gakate re'ronggijagipa, uno re'na neng'-nikbea. Uni gimin mitam manderang matchu gario re'ana bate ja'achin re'na namnikbata.



## LESSON 21

### Leka Do'reng

Bi'sarang leka do'rengko bilate rona namnika. Balwa namode leka do'reng chuen bildoa. Biap bangbangosa leka do'rengko bilatna nama. Bolrang bangode, uaragon ua kangbanggen. Basakoba balwa ta'arakode, kilding chote uko chel'e balpakanga. Do'rengrang leka do'rengna kena, aro basakobade do'rengska gita nikenba uarang uko chapaka. Leka do'rengko bi'sarang brechina ine manderang uko dake palronga.



## LESSON 22

### Beng·blok

Beng·blokrang chibolo dongña namnika.  
Uarang mikka wachi a·bachengmitingo  
bitchi chi·nasiode reraa. Chibolo uarang  
ro·robee bitchiranko chi·e dona. Bi·sa  
pe·on skang alaring ong·chenga. Unikosa  
ka·sne ka·sne ja·a jak dakangemung beng·  
blok pil·a, aro uni ki·me gimaa.



## LESSON 23

### Ki'sing

Ia ki'sing dal'gipani noksa ong'a. Mit-am manderang ki'singko cha'na namnika, aro uni bitchikoba cha'o tonikbea. Ki'sing-rang an'chenggo kongge uno bitchiko chi-ronga, aro manderang uarangko am'e ra'a. Ki'sing rong ritcha sana bate bitchirangko chi-ronga.




## LESSON 24

### Jahat

Ia noksao mesokgipa jahat dakgrikani jahat giticham ong'a. Uko ba'rachi ping-esa choangenga. Da'ororoni dakgrikan i



jahatrang uandake ong'ja. Uarang nam-bata, mangrakbata, aro bilakbata; aro uarangko kolchisa choa. Badingani jahat-rangkosa mitamko indake ba'ra ping'e chokuenga. Uarang ka'snesa re'aia. Indiba gimikko ba'ra ping'e choode nina nitobea.



## LESSON 25

### Do'bipa

Ian mangsa do'bipani noksa ong'a. Uni gingmat aro ki'me nitobea. Mitam do'bi-parang do'o bi'sarangko namnikbea, aro uarangko rodilpaa. Do'biparang gipin do'bipako nikode uko suna chaa aro sugrikronga. Anga do'biparangko nina namnika. Do'biparangko kasie jilode, uarang mitima aro cha'na nama. Do'bi-pani damna bate do'o kasini dam rakbata.



## LESSON 26

### Do'gep Aro Uni Bi'sarang

Ia noksao do'gep aro uni bi'sarangko nika. Bi'sarang basik mang gnang uko na'a nikama? Namedake chane niode bi'sarang mangchet donga ine nikgen. Uarang chonchonbeenga, indiba jrona changa. Do'gep aro rajahas bi'sarang bi'sa intal jrona changa. Aro uarang man'a dipet chion dongna namnika.



## LESSON 27

### Singho

Singho nina namen kenbeani onga Singho aro matcha damsan dongrimja.

Singhoni dongram biaponi matcha kat-skaa. Indiani saliram jol Gujaratoba singho donga. Indiba an'chingni a'songode dongja. Singho an'tangni chike cha'na-siako, changsa chapako man'jaode, uko chikja ine manderang agana.



## LESSON 28

### Chuna

Chuna mat gita aditan dakanga, indiba matna bate adita dal'batkala. Chuna do'oko chike cha'a. Jilode chunarang mikmalbea. Chuna chipu baksa dakgrikna changbea ine manderang agana.



## LESSON 29

### Bolrang

A'ao bitchilko galode bimik naa.

Bolo ja'dil, ja'pang, cheksi, bijak aro bite gnang.

Dingtang dingtang bolrangni bimung-rangko mingbo.

Te'gatchu bol nama biteko nanga.

Ru'kawakni bite namja.

Nama namgija bolko bitechi uia.

Undake mande bi'sako niode uia.

Badiaba badiaba bol bite donggija bijak dipilaia. Uandake badiaba badiaba mande noko gam dongjaoba, aro gisik grioba gaora de:a.

## LESSON 30

### Ripeng Sakgni

Chang sao songregipa sakgni ripeng dake badiaba burungko damsan re'ang-engachim. Re'angon re'angon uamang mapil mangsako grongjok. Saksa mapilko niksoe bolchi gakate kataha. Sakgipinde katna man'srapjae, aro maiko dakgen uijae, a'aon sia gita ga'ake dongaha; maina mapil sigiminkode mamungba dakja ine ua uiachim.


Mapil sepangona re'bae a'ao tugipa mandeni be'en, nachil, aro gingtingko similgipe niemung re'angaha. Mapilni re'angmano uni ripeng boloni ong'onbae uo sing'eaha, 'Mapila nang'ni nachikolo maiko aganangaha?' Ua aganchakaha, 'Mapil angna ka'sachake aganangaha, "Dukni salo gale katgipa ripeng baksade na'ara mamung saloba roriinnabe".' Nammiting salnasan ong'aigija, dukni salnan an'ching ripengrangko nangbata. Uni gimin an'ching ripengrangni duko ga'akani salo uamangko watgale katna nangja.



## LESSON 31

### Sundare

Ia noksao an'ching chibima damsako aro uni rikamo adita nokrangkoba nika. Chibimao adita choenggipa ringrangkoba nika. Uarang, aiao nina nitobea! Anga ua chibima rikamo donge ring choarangko nie rona namnikbegenchim. Adita chel'ao naenggipa sundarekoba an'ching nika. Na'a basakoba sundare naako nikahama? Sundareo donggipa dingtang dingtang rongrang mairongpile nina nitobea!



## LESSON 32

### Jajong

Ia noksao an'ching naenggipa jajong aro askirangko nika. Da'o ia jajong chonenga, uni naani sal ruutkuja; uni gimin ua teng'rakkuja. Jajong teng'rakmitingo, walo mikka wajaode, rona nambea; aro jajong teng'ara walo rama re'giparangna namen dakchakbea. Jajongba sal gita bang-bangon kimkim dongenga. Jedake a'gil-sak salko re'dula uandaken jajong a'gil-sakko re'dula.

Jajong an'tangan teng'sugipa ong'ja indiba salni teng'suako man'esa ua teng'suskaa. Indaken jajongni a'gilsakko re'dulmitingo salni teng'suako jajongo nikroroanga, aro uni ra'chakgimin teng'-

sua gimikko nikahaon ua jajongko jaram-  
bong minga. A'gilsakni samsachi pil'e  
re'dulmitingo salni teng'suako jajongo  
nikroroangjani gimin uko chonangenga  
gita nika.



### LESSON 33

### Reil · Gari

Mitam a'songrango bang'a reil garirang  
donga. Ua a'songrango manderang biap  
saoni biap gipinona re'na skode reil gario  
gakate neng'mangija re'na man'a. Ua  
a'songrangni reil garirang namnambea,  
aro uarango gakate re'naba nama. Uarang-  
oni gong'rakbatgipa reil garirang konta  
sao mail sotdok ba sotsni dake re'ronga.  
An'chingni a'songoba da'ode adita bang'a  
reil garirang aro reil ramarang donga.





## LESSON 34

### Balwa Raka

Balwa rakode namen kenbeani ong'a. Ta·rakbegipa balwa dal·dalbegipa bolrang aro nok jamrangkoba pe·e balpakangna man'a. Ia noksao sagal rikamo balwa ta·rakako mesokenga. Nibo, maikai jahatni ba·ra peng·arangko grinataha, aro maljuriko be·tongpilnasia gita dakatenga. Adita chel'ao jahat ge·sade dubiangengaha gita nika. Rikamo donggipa gue aro gipin bolrangko pe·tongaha. Be·gijagipa

panggnikoba pangpiknasienga gita nika.  
Ta'arakbatbegipa balwilwilgipa balwako  
balminduri minga. Ua dal'dalbegipa bol  
aro wa'arangko pike, aro nokrangko  
de'tome chel'bea biaprangchina ra a'ge  
galena man'a. Basakobade a a bigilkon  
mitapsa kikanga gita man'angpila.

8717  
11.4.96.  
Ship



# **GARO PRIMER II**

**Published by**

**TURA BOOK ROOM**

**TURA - 794001 WEST GARO HILLS**